


वाख

# रेश्म माल्युन म्योन

बिमला रैना



---

Transformed into Standardised Devanagari-Kashmiri Script by M.K.Raina, Vasai, Mumbai  
with due permission from the author.

My sincere thanks to her.

Work Completed on 12.02.2005.

---



**Bimla Raina**

१

लोलु अमर्यथ चो गलि गले  
अदु दिल फवले पंपोश ज़न ।  
दुयि बाव सोरुय येलि हो गले  
अदु नो ज़ांह डले मन ॥

२

शरनुय गछ़तो पनुनिस ग्वरस  
बारि तुली सुय अदु बोर ।  
युस तस गारी तँस्यु हो तारी  
अदु खुलि लोलस पानय तोर ॥

३

लोलस मे द्युतुम कुनुय ज़ोरुय  
मुच्चरनु आमो तोरुय मे ।  
वुछ़म सु विहिथ पानय च्वपोरुय  
च़ँसिथ आमो सोरुय मे ॥

४

छांडान ऑससन कोहन तु बालन  
अँदरी अँदरी गोमो सूर ।  
वुछुम सु बिहित मंज मेय लालन  
छावुनु आमुन्न बु बालन पूर ॥

५

सौबरुन्य दनु द्वार छी संहॉरी  
मो वाल पानस खॉरी हा ।  
कर ब्वछि हँतिस अन्नच अंबॉरी  
अदु तेलि नो सोरी ज़ांह ॥

६

अकि अकि गँयि साँरी नीरिथ  
वापस फीरिथ कांह नो आव ।  
मो ज़ान पानि येति छुस ठुहरिथ  
सौंतय सोरिथ हरुद आव ॥

७

खनतो पनुनिस मनुकिस खलस  
फुटरिथ दुयि दत् अथु सौबराव ।  
द्यानु ब्योल ववुस, लोत रोज़ पानस  
कर जानानस वावुजि वाव ॥

८

अँदरी अँदरी वोन द्यू पानस  
कुन कर मनस बेयि द्यानस ।  
म्युल कर प्रानस सुत्य् अपानस  
पानय मेलख शाहँ आनस ॥

९

मो ज्ञान पानो पनुन तु परुदुय  
नय फराह तय नय असलय ज्ञान ।  
ह्युव ज्ञान पानो गर्म तु सर्दुय  
तावुनुन वाव अदु करि नो फान ॥

१०

सौर्य सौर्य पानस गॅयम मेच्चय  
पानस म्यॉनिस पेच्चे बाव ।  
अज़लय स्योद कांह सीर नय खॅच्चय  
दौर्य दौर्य दिवान प्रथ कांह वाव ।।

११

पांचवुन्य् सर्फन कलु च्च मुनुय  
वुठ करुख कुनुय मो दिख वाव ।  
येंद्रेय राजन निशि रोज़ ब्योनुय  
अदय दय दियी पनुन स्वबाव ।।

१२

पानस सुत्यन करेम सॅच्चय  
तॅच्चय वॅरुम वॅडुम नाव ।  
ह्यनुरक्य् पाँनी बख द्युत कुनुय  
नय कुनि बय तय नय कुनि नाव ।।

१३

खसतो पानो पनुने हेरे  
लरि लरि फेरुनु च्ने नेरी क्याह ।  
च्यथ दितो शॉद्य छय पनुने गरे  
अदु लूक व्वछुब च्ने करे क्याह ॥

१४

मो बर पानो यूताह चावय  
अथ काँसि समरु अस्ल नो द्राव ।  
अँदरी फाटुवु न्यबर युथ नु नेरे  
नतु हो हरे च्निहिस मंज़ वाव ॥

१५

स्वरतो पानो अँ गरि गरे  
अँदरी दम दिस न्यबर मो त्राव ।  
ज़ेरि ज़ेरि ग्रटु फेरि मँहीनु नेरे  
अदु फाकु हरे नु पांच्रॉल्य् काव ॥

१६

मोल मॉज संतान त्रिय बंद सॉरी  
छुय संसॉरी सौरुय ज़ाल ।  
लोब ज़ान पनुन पान पक़नाव खॉरी  
वाल अटुबॉरी पनुनी हान ॥

१७

मिलुग़ार गछुन छु बदलय कथा  
गाटुल हय आसख पानय च़ु ज़ान ।  
नतु दूहस गँड्य गँड्य थवान हथा  
क्रक़ दी दी चोहरुम असमान ॥

१८

वनु वनु वनुनस कन मो थावुय  
वन ती यी च़ेय बासी जान ।  
च़्यथ द्यू पानो अँदरय मनस  
यी सु वनी ती बनि जान ॥



१९

मो कर पानो हेरि तु ब्वनय  
प्रावतो अँक्यस्य जायि प्रस्थान ।  
मो छ़ांड पानो सोन तय व्वगुनुय  
नीरिथ गछ़न अकि दूह प्रान ॥

२०

आलम सोरुय कुनुय ज़ानुन  
मानुन नँर ज़ंग पनुन पान ।  
हमस सूहस कुनुय करुन  
दारुन अँदरी तसुंद द्यान ॥

२१

रोज़ि नु क्युँचुय, नय कुनि पीँचुय  
नय रोज़ि ताफ तय नय तूफान ।  
आब गछ़ि आलुमस दूहस तु रॉँचुय  
रोज़ि सु पानय अख बगवान ॥

२२

तारुनाव म्वख्तय वावचन दावन  
होश थाव युथ नु अथ छेनि कांह पन।  
चारू तारु पनुनिस सेतारस  
अदु वैसिथ यीतन काँत्याह वन।।

२३

लोल नो मेलान मँल्य कुनि वानय  
खर्चुहँव दनु द्यार अदु बिस्य्यार।  
वुज्रुवनु वुज्रान सु अँदरय पानस  
येलि लागि व्वंदस अँदरय नार।।

२४

मो कर पानो अज़ तु पगाह तय  
थाव मो दनु क्यन बानन ठान।  
कालस काल छुनु, छुय सु ब्यगुहुय  
ऑखुरस गछान सॉर्यसय फान।।

२५

नय कुनि दनु तय नय दनु वोलुय  
वोन्य् नय कुनि तय नय कुनि वान ।  
स्व मनय द्युतुमुत कांह छुय दानय  
ती रोज़ि सन्य्छ्यथ बॅनिथ खान ॥

२६

परुखय पर परनु पॉठी  
ऑलिम अदय बनि इन्सान ।  
नतु पॅर्यतन चॉर्य चॉर्य कॉठी  
हॉठी ज़ॉनिथ सॉर्यसुय फान ॥

२७

म्वख्तय ऑसिथ मो बन फोतय  
ऑसिथ तोतय मो बन काव ।  
कोताह कांछाह शाहन ति ज़ॉगिन  
लॉगिथ रोज़ुन तोति गाव ॥

२८

व्दय अँदरी द्युन हा वौनुय  
करुन कुनुय मन तय प्रान ।  
दामय रस प्रेयमुक चोनुय  
पुशरुन दयस पनुन पान ।।

२९

कृन तो पानि पनुने वानय  
रँदी बँदी रोस्तुय जान ।  
वुछतो सोरुय अस्ल जहानय  
बेयन नतु कथ खारुन्य हान ।।

३०

वनवास ज्ञानतो पनुन पानय  
मनु तय प्रानय करु व्वपुवास ।  
बँर्य बँर्य नतु छुख ख्यावान बानय  
खारान दयस अदु कथ हाँछ ।।

३१

पकुखय स्योद छय पनुने वतय  
लूकु कथे मो च्यय राव ।  
हतन फेरान कथ छुख पतय  
रॉवमुन्न तिमन पनुन्य गाव ।।

३२

नय हावुय न बर चावुय  
व्दस मो थावुय ठान ।  
अदु तस बावुय अनि युस छावुय  
नतु कथ क्वकर्यन म्वख्तु छकान ।।

३३

लम ति पानो ऑक्वसुय रजे  
दरि नो दून त्रन थफ दिनु पान ।  
गुपिथ बेहतो मंज पनुनि डबे  
गँजरुन कथू छुय लूकु हुंद वान ।।

३४

यिवान वाव हो छु च्वपॉरी  
हिवी तस गरु तय या वॉरान।  
निवान काल बॅनिथ बापॉरी  
बद ऑस्य्तन अदु या सु जान ॥

३५

वॅथ्य ना ऑरी नय कांह खॉरी  
नय फाकव तुजिय बेमॉरी।  
अटु बारि वॉल्य पनुनी बॉरी  
गॅयि सत् ग्वरस सुत्य् यॉरी ॥

३६

खार मो पानस पानय हठय  
कालस पानय क्याह द्युन नाल।  
पानस पनुनिस करुन अटय  
ग्वरस पुशरुन पनुनुय हाल ॥

३७

केंचन तारुनि आयि श्री रामय  
गॅयि कॅह खॅसिथ प्यठ सत्दाम ।  
केंचन छुय नय कुनि आरामय  
कॅह प्वख्तय गॅयि ऑसिथ खाम ॥

३८

अँदरी पानस दितो वोनुय  
छुस बु कुस तय कति बो आस ।  
अबसुन द्यान तनि खोतु तोनुय  
सोरुय पानय यियी बास ॥

३९

कुनुय अछुर ओमकुय छु परुन  
गलान मोह, अज्ञान अंदुकार ।  
दारुन द्यानय कुनुय ओमकार  
मुच्चरुनु यिवान सहस्र दार ॥

४०

अँदुरय मन गंडुन खूंटिस  
हावुस मु नेबर्युम गाश ।  
द्यानु गासु त्रावुस वालुस दूंट्य  
व्वपदी पानय ज्ञानु प्रकाश ॥

४१

वश करुन इंडला पिंगला पानस  
यलु गछि सुशमना द्यानस सुत्य् ।  
वाव चलि ह्योर खसि तार अदु पानस  
गछि मीलिथ जानानस सुत्य् ॥

४२

अनुन ओम द्यानय, लगी दम पानय  
सेदि रोज़ खमु नतु गछि सम्हार ।  
कलि रोज़ डलि युथनु कांह बानय  
गछु मा मस्तानय वुछि बहार ॥



४३

पानस करुने कवु गिंदु बाशो  
लग मो पानय वालु वाशे ।  
दयि यछायि वुछ डल मो आशे  
समय पानय हा करि बाशे ।।

४४

द्यानय छांडुन न जि हठय  
वसान त्रटय गछि सम्हार ।  
यौर्य लाग सत् ग्वरस पाद तस रटय  
लोलु द्यू छटय फ्वलि गुलजार ।।

४५

करुखय कैह कर काँसि हुंजि पुछे  
द्वह नतु खयि बुजि करनुय क्याह ।  
ती वन यी काँसि हा वेचे  
नतु मुशि दिन्यय बैल्य् मेचे क्याह ।।

४६

अँदरी पानस क्याह छु पशनुय  
रूज़ ना रॉन्य नय कुनि दाय ।  
बाँगरुन क्याह अदु न्वशन तु हशिनय  
थाव मो व्वशुनुय पानस जाय ।।

४७

मनुचे तारे अँदरी कन द्यू  
साँरी त्रोपरिथ दारि तु बर ।  
वोन द्यू पनुने ब्यंदुचे तारे  
बँनिथ सु पानय साज़ंदर ।।

४८

दरू द्यान पनुनिस मंज़ आयस्तानस  
रूप तस च्रोतुर बोज़ बगवानस ।  
गथ कर लॉगिथ पोंपुर पानस  
पोश लाग बावुक्यु शाह हानस ।।

४९

हेन्य् सू प्रानय हम कर अपानस  
ज्वन थाव कांह युथ नु रावी पान ।  
प्यठ व्वंदु पोशस करू ठिकानय  
वशि यियि पानय पनुन मन ।.

५०

ज्वन थव पनुनिस शाह यँदराजस  
वोन दिस कति प्यठु फेरान छुय ।  
पनुनुय सम गच्छि दम लागि पानय  
कुन गच्छि रोज़ि ना अदु सुय बुय ॥

५१

नैदरायि आसनु मंजुय रूज्जिथ  
बोजुन लॉगिथ गच्छि हा काव ।  
नाव रोज़ स्वर्वुन बा खबर रूज्जिथ  
पकुनावि अदु अथ पानय वाव ॥

५२

वैरिथ रोज़ अथुवास अँदरी बूगन  
सोम चय ज़ानुन आम तय खास ।  
स्वन, दनु, स्यख ज़ान कन थाव सोज़न  
पानय बनख दयि सुंद दास ।।

५३

वुनु छे वालान च्यतुचे गटय  
त्रटय छे बासान ज़न व्वपकार ।  
अज़पु ज़पुन बोर वाल अटय  
द्यानु रवु रटय च़लि अंदुकार ।।

५४

आस मो पानो कुनि प्यठ ब्रमुनुय  
दम रठ अँदरी कर मु इज़हार ।  
द्यानय रटुन मनि मंज़ खटुन  
वौरान जहातस ति बनि गुलज़ार ।।

५५

संसार ब्रम छुय सौरुय माया  
देह रंगु अथ सुत्य् मन मो लाग ।  
पनुनी अपुज् ज्ञानुन काया  
अँथ्य् मंज दयस ह्यथ रोज् ज्ञाग ॥

५६

कथू छुख वलान खासु अँतलासुय  
छुख कथ छंडान रुत मजुदार ।  
शाह स्वति सौर्यसुय गछि डुबुडासुय  
खाकुक तु नारुक बनि आहार ॥

५७

बुज्जिथ ज़ोर तय वुछिथ ओन लाग  
कथ कर रँसिज मोदुर ज़न कंद ।  
गम तु गोसु त्राव मन च़ु शांत थाव  
अलनु वलनु यिन बांदव तु बंद ॥

५८

बर मो फिकिरुय न हे गमुय  
थाव मो व्वंदस कांह ति ग्राय ।  
पुशर दयस रटि हमय  
अदय लसख पनुने आय ।।

५९

क्य लॉगिथ रोज़ मो बन मॅटुय  
शेश्तर मो बन, बॅनिथ रोज़ हॅटुय ।  
क्ये सोरुय हॉज़िर थोवुय  
मचे अँदरी सोरुय खोटुय ।।  
हचे सॉर्तसुय पान वथरोवुय  
शेश्तर ज़ंगॉर्य पानाह च़ोटुय ।।।

६०

कुनी दयि सुंज़ वथुय रटुन  
हतन क्रेर्यन मो त्राव ज़ाल ।  
छेपि नियि तुलिथ कमि विज़ि कालय  
ज़ान मो कैह येति पनुनुय माल ।

६१

नय च्चु रोशी नय च्चु तोशी  
पानस डालुन्य् होशी क्याह ।  
नय च्चु वदुय न गछ्छ ख्वशुय  
काँसि खारुन बोशी क्याह ।।

६२

वद मो पानो कथू छुय रावरुन  
कदुर रुदस छुय अँशिस छु क्याह ।  
नेबुर्य रँटिथ अँदरी त्रावुन  
नत् बँल्य् छावुन कनिनुय क्याह ।।

६३

ओश युस खारि अँदरी आयस्तानस  
ह्यस थावि नेबुर्य त्रावि नु फ्योर कांह ।  
गोड दियि अँदरी शिव रुपु पानस  
बवसरु छाँटि तरि फटि नो ज़ांह ।।

६४

यीऒ्राह काँसि हुंज थाव मो मालय  
वलनी कथ छिय यिम च़ेय ज़ाल ।  
छिपि नियि तुलिथ कुनि विज़ि कालय  
ज़ान मो कैह येति पनुनुय माल ॥

६५

छिय नय ज़िंदय न छि मॅर्यथुय  
ह्यकान वनतो कॅर्यथुय क्याह ।  
त्युथ कर युथ गछव सुलि गरि तॅर्यथुय  
अदु नो प्यमव हॅर्यथुय ज़ांह ॥

६६

डँब्बु क्रायि युथ नो दयि नाव मशी  
फश यियि साँर्यसुय गछि डुबडास ।  
मन वश थाँविथ रोज़ुन गशी  
अँदरी व्वलुर करुन ग्रास ॥



६७

कन वुछिनावुख अँछ बोऒनावुख  
साऒ सेतारु कति प्यठय आव ।  
काँसि मा बावुय मन वुऒनावुय  
अदय पानस यियी छाव ॥

६८

चंद्रनन मुश्कि अंबर पँहलोवुय  
खरबुऒ्य रंग वुछिथ रोऒुय रंग ।  
गाडि हुंघ शोहलनुय नाग फाऒुनोवुय  
क्वंगन थोवुय ब्यंदस सुत्य संग ॥

६९

अँदरय पनुन पान दयि रूप ज्ञानुन  
द्यानय मानुन पनुन जन बाँच ।  
लोलु श्रेह ब्वनु प्यठु ह्योर कुन खारुन  
यी कर आँखरी पँहर हर राँच ॥

७०

करनी दयस छुख यछान ज़ॉरी  
परु संज़ ख़ॉरी पनुनी बोज़ ।  
छुखय छ़ांडान तसंज़ यॉरी  
पर व्वपकॉरी बँनिथुय रोज़ ॥

७१

पथ कुन गोमुत अन मो व्यच्चारय  
दनु पनु कर्म करुवुन रोज़ जान ।  
कोरमुत कैह वॅहर्हन मु ख़ॉरुय  
वन वन करुनय फल छु नशान ॥

७२

वादस करुवुन मो रोज़ वादय  
प्यादस पनुन बाव मो हाल ।  
ख्वर वहर त्युतुय युतुय आसि रादय  
अनिगोट वुछिथुय तीज़ मो डाल ॥

७३

त्रोपरिथ लुयि दारि युस रोज़ि पानस  
करि पॉन्य् पानुक पानय द्यान ।  
सॉला वॅरिथ यियि जहानस  
शोमरिथ थॉविथ सॉरी तान ।।

७४

लालुक म्वल लालुर ज़ानी  
वोन्य् क्याह ज़ानी तमिकुय बाव ।  
सोंतुच कदुर पोशिनूल ज़ानी  
कावन लोगमुत बॅल्य् टाव टाव ।।

७५

वॅरिथ मन ऑव्युल दिस वोन ज़ॉव्युल  
पन ओम दॅरराव वर दिथ जान ।  
यियि पानु वॉसिल कॅह गछि हॉसिल  
लय गछ् मिलवान तॅस्य् सुत्य् प्रान ।।

७६

कैहनस अंदर कैछा ब्यामो  
कैह नतु कैछा ब्यामो मे।  
कैह ना पानस पानय द्रामो  
कैह नु मंजय व्वपद्योम कैह।।

७७

शरन रोजतो दयि संजि गॅच्युय  
पानय करनि सॅन्न सॅन्न क्याह।  
शोजरावुख पनुने मनुचे व्रॅच्युय  
चॉन्य् व्वस्तॉदिल तति चलिमा।

७८

स्वमनु कॅरिथ रोज दयि सुंद द्यानय  
पुशरॉविथ थाव तॅम्यसुय पान।  
अलांघन नतु थपु क्याह दिवानय  
बनान ती यि येछि बगवान।।

७९

ऑमिस पनस अलॉद पान छुम  
मनु अबिमान छुम वेच्च्यम क्याह ।  
आवसनु आमृत्य् अँदरी तान छिम  
बेयि सुंद वान छुम पुचस ना ।

८०

वर्शनु कॉत्याह अर्शनु आये  
अर्थस कैह लॅग्य् कैह ज़ाये ।  
थुरनु कॉत्याह थुर्वनु आये  
वॅल्य् कैह हसदन कैह माये ।।

८१

कॉसि हुंदि वनुनय कैह ति पुनि नो  
रुत्यव कर्मव वुनि नो ज़ांह ।  
मुनुनय दान्यस तोमुल बनि नो  
पाकृवनय दूँठ सेनि नो ज़ांह ।।

८२

पानस पानो पानु गछि सनुनुय  
पेहनस वुछतो अनुनुय क्याह ।  
ग्राहकन वुछतो क्याह च्चु कनुनुय  
बरान वुछतो गुनुनुय क्याह ।।

८३

फल छुय मेलान नदामतस  
हम हँस्ती तति मो हाव ।  
ठानय सुत्यन छाव यिधि बतस  
सीर सेमंजस वतो मो त्राव ।।

८४

मंज मँस्ती आलम रोजुन  
फिरान रोजुन लालस रस ।  
लोलुक सोज अँदरी बोजुन  
चावान पनुन्यव अथव मस ।।

८५

त्रावतो पनुनि अक्लि बर वॅथी  
वुछ तो कति कथ लोगमुत नार ।  
अड डंगि यॅकुल छयनुवुन्य् सोथी  
यीरु युथ नु वॅरिथ गछि सीरु सरदार ॥

८६

हून्य् ति माज़ान छिनु अथ रतस  
होच्चिथ माज़स क्याह रोज़ि बाव ।  
पान लोगमुत गीर्य गतस  
कैह बचेमुच्च रछ मो ख्याव ॥

८७

गोमुत येलि आसि पनुन अंग नंगय  
बेयि सुंद तेलि क्याह तुलनुय टाव ।  
आमित कृष्ण ति द्रोपदी हंगय  
पर सीरस च्य सरपौश थाव ॥

८८

वालतो पनुनि पानुक्य् ऋनय  
दावय लॉगिथ वसान बाव ।  
त्युथुय कर युथ नु यिमव ह्यनय  
असलुक ज़ीनिथ मो रावुराव ॥

८९

म्वल छुय खसान शराफतस  
पानस वलुन पथर मु त्राव ।  
शर्फ क्याह छुय अथ प्रतु प्रतस  
दूरि वुछुस लोब पान थाव ॥

९०

हुशारुय रोज़ अछ मो जिपन  
शंगुय त्रॉविथ नेरी क्याह ।  
मन नन्नान ज़न मर्चु पिपन  
थफ दिनु वश गछि मा ॥



९१

गॉमुञ्ज बंद कवो छय च्चैय अक्लुय  
वन तो कथ प्यठ च्च्यखलान च्चैय ।  
दिलुकि हालुक बुथ बनान नकलुय  
ह्यस थाव फुलय युथ नु गच्छि रँय ।

९२

आमुञ्ज ह्यनु छस प्रथ रंगय  
सत् ग्वरा बो मंगु क्याह क्याह ।  
आमुत्प्य दारि तु बर छिम टंगय  
यलय गरस रॉछ करु क्याह ॥

९३

रछि कर्यम पीञ्जन रञ्जन  
यीरु वॅरिम शे त्रख तु मन ।  
नस्ति थॅविम फंबु नॅच्चुय  
रतु रगन द्युतुम खन ॥

९४

बेकुल कोताह ऑकुल लॉगिन  
कँडिस द्दु सगु बनि मा पोश ।  
ऑकुल कूताह बेकुल लॉगिन  
रीशिम मंडवनु बनि मा लोछ ॥

९५

द्यानय रूज़िथ ब्युहुन मंज़ गरस  
वनुन पानस सनान छा ।  
दॉर्य दॉर्य दियि कांह तोति छुख सरस  
ज़ीन्यमुन्न कैह रछ रावर मा ॥

९६

ह्युवुय रोज़ विह्य मा बदलावुय  
लूकु वॉह्य वॉह्य गछी च़े क्याह ।  
व्यकार पनुनुय मा रावुरावुय  
दोलमुत बोयि बोयि दलुन क्याह ॥

९७

वनतो छुख क्याह खँट्य खँट्य थावान  
सिर्ययि नतु खटुनय खटान छा ।  
पनुन पानुय छुख रावुरावान  
रॉन्न पतु राथ बेयि यियि मा ।।

९८

वुछतो कमि ब्रमय मूदुख  
तोलान वुछतो रूदुख क्याह ।  
गाशिय त्रॉविथ अनि गटि रूदुख  
असलुक दरुय रावर मा ।

९९

अनुन लालु पनुन सालय  
ज्वन थव छेनि युथ नु लालय माल ।  
नोन गछि आकाश वोन दि पातालय  
रोज़ि नॉल्य् नालय सुत्य् बालुयार ।।

१००

करु क्याह तेलि येलि तन बु मोरय  
ख्यथ होरय अदु कस क्याह ।  
शर हा नेरी ओमु के ज़ोरय  
दियिय आलव तोरय हा ।

१०१

ह्यस थाव मन युथ ना गछि हर्शस  
पनुनुय अर्शस खारुन द्यान ।  
दिन्य् समादुय बिहिथ प्यठ फर्शस  
वावु सुत्य् रोजुन नाव ज़पान ।।

१०२

परुद्य गछान पानुन्यार पनुनी  
पनुन्यन मनटी मेनुन्य् क्याह ।  
पथ कुन गोमुत ब्रोंठ क्याह अनुनुय  
रोनमुत वन बेयि रनुनुय क्याह ।

१०३

छलनु छलनु पलव तने  
सियाह सफेद बने नु ज़ांह ।  
खुशि खुशि सुत्यन शोश्तुर छेने  
ज़ालुनु चुन्य् बनि ना ज़ांह ॥

१०४

पनुन पान गाड ज़ान, दय ज़ान स्यंदुय  
अँचिथ मन ब्यंदय छालय मार ।  
वायु तारि नाव या अंदु छंदय  
वँरिथ कन बंदय लोलु दियि दार ॥

१०५

पनुनी मगुज़ क्याह चु थँकुरावान  
हनि हनि पानस वालान बाव ।  
पनुने अक्ले कुलुफ दिथ थावान  
ज़्यव यलु थॉविथ करान टाव टाव ॥

१०६

वनु वनु करुनय हसर रावान  
लटि अकि वोनमुत रोज्ञान याद ।  
ऑकल पान छुख बेकल बनावान  
रावुरान शाँती हुंद छुख स्वाद ।।

१०७

पनुनुय व्वंदु मा यूत हँदुरावुय  
पानस डाल मो पाँरी ज्ञान ।  
वुथ्य् वानि बुथ पनुन मो छलुनावुय  
केमिनुय अथि मा ख्यावुय पान ।।

१०८

कूद हनि हनि ब्वद छुय गालान  
पान पनुनुय मारुन क्याह ।  
ज्ञालान आमृत्य् रोज्ञुन ज्ञालान  
वापस च़ँपिस लारुन क्याह ।।

१०९

होश थाव रोश मा वॅन्य् द्यू पानस  
द्यानु मँज्य् पोश लाग बगवानस ।  
बावस कदुर छुनु निशि इनसानस  
लोल बर पनुनिस शाहानस ।

११०

मन पनुन द्वद ज्ञान, ब्वद पनुन्य् दोन ज्ञान  
च्यथ मंदुन दिथ रोज़ द्यान ।  
वावुच रज़ करुस ह्युव रोज़ फेरान  
कलि रोज़ वल अदु थॅन्य् यियि जान ॥

१११

वावुकिस अँटिस नावुच च़ोट बनाव  
मनु किस तौंदुरस लोल सँदराव ।  
ध्यानय अँद्य अँद्य लॉगिथ अथ थाव  
पाकु पूर अन थोद गछी अदु बाव ॥

११२

लुड रलक डूत डड डन संसूरी  
वल डु डडनस डडड डीतुड डलल ।  
डडड रूदुड अूदीन तडड अँडुड डूरी  
हुत डेडुड डथ सुड नडथ डव ललल ॥

११३

लगुडु सतु डवरु डडनुडन कथन  
वतन डरुहुडुड डडनुडन ललल ।  
डुशड हड कतड नतु डडडन शतन  
कुनुड वुठवनु डनेडड डलल ॥

११ॡ

सूतु वलड डुल डूँलुड वुँदुकडस डडडस  
डन डुशडनुल दरड तुरडडस डुथ ।  
कन कुसुतूर डुलड लुल वुडुड नडडस  
हडह वलु सू रठ अडडस डेठ ॥



११५

खॉर हुंज़ि दूछे ल्वकुट मुर गॅयि  
लंजे व्यतरुम नु कुलिकुय बार ।  
त्रॉकिनिस बानस खार मे हर पेयि  
शुरिस पुशरिथ गॅयि वान व्वस्तुकार ।।

११६

वुछ वुछ पानो होश कोनु ओयो  
ऑकलव तवकल कॅरिथ वॉज हान ।  
गटि हुंदि गाटुजारु पान ति खट्योयो  
प्रज़ ज़ान मॅशरिथ कॅरुथ परज़ान ।।

११७

लिल ललुव ल्वलि लालय  
मॅल्य् ह्योतुन म्वलुविथ लाल ।  
परमु आनंद रोट नंदु लालय  
रंगु रंगु न्यामुन्नव ख्योवुन साल ।।

११८

रोफ त्रोप दियतन कोताह जंदस  
रंग तु रंगुवनय नोव बनि मा ।  
नार ज़ॉल्युतन प्रथ कुनि अंदस  
वंदस र्यतुकोल अंद्या ज़ांह ।।

११९

मेलान नाव सत ग्वरु वानय  
द्यानय रटुन मन गूपाल ।  
ब्बदि म्वख्तु माल रोज़ फिरानय  
मस चावि पानय बॅनिथ कलुवाल ।।

१२०

ब्रम त्राव साक्षात करतन ब्रह्मय  
अहम बावु सुत्यन गछान बरहम ।  
वुज़ुनाव ओमु सुत्यन रुमु रुमय  
मूह दज़ि सू वाजि बनि सूक्षम ।।

१२१

बावुक्यन पोशन करु अंबॉरी  
सालय अनतन पनुन सरकार ।  
लोलुक्य् बॉर्य खारु नखु साँरी  
बनि यख्तियॉरी ज़लि दोगन्यार ॥

१२२

छुख कवो पानो गोमुत वुबॉली  
यशि मानु आवेज़ु खोटरुथ पान ।  
वाँसि साँबरिथ पानु च़ु खॉली  
मँशरिथ क्याज़ि गोख पज़रुच ज़ान ॥

१२३

मन छुय पारुद छुना कुनि दरान  
डलान तु ज़लान छुय ओरु योर ।  
बावनायि रटुख सत् ग्वरु ज़रन  
तिमुनुय सुत्यन रुज़िज़ि लोर ॥

१२४

नाव दरान छय नो गुतस  
लूकु शतस पोशि क्याह अख ।  
वुछ मो मतस थफ कर सतस  
व्वंदु रछुख दिख मो ज़ख ॥

१२५

अब्यासु वोथ आगरु लये  
गगनस सुत्य् गव अँगनस म्युल ।  
शिव शक्ती गँयि सुत्य् प्रये  
स्वय वँर क्रये रोव नु ख्योल ॥

१२६

अँलिफस मीमस मंज़ बाग “हय”  
हय त्राव वाव लाग, च़लि अदु खय ।  
ब्रमस मंज़ बाग लागुन यि “हय”  
अँथ्य् सुत्य् पानो गछ बा लय ॥

१२७

युस दशि वीरस व्वंदि रँटिथ  
ब्यंदु सैदि नावे तन।  
सुय मनु वीरस ज़ेरि पावे  
गछि पोशिस बँनिथ ज़न ॥

१२८

यिमनुय रूदी जुव जान वंदन  
तिमय अज़ हा करान ग्रार।  
पानो थवनी कथ छिय बंदन  
कलि ख्वगु वँडिथ पूर काड ॥

१२९

ज़रु ज़रय ज़बर वुछुम  
ज़रु ज़रय ज़ोरुम नो।  
ज़रु ज़रय कौरुम सरय  
रज़ि वरुय च़ोलुम नो ॥

१३०

अँदरी अँदरी गोरुम तु दौरुम  
फर्शस वथरुम अँदरी पान ।  
अँदरी मनु राजुय मोरुम  
अर्शस खोरुम अँदरी प्रान ॥

१३१

यिय न्यबर तिय अंदर छुय  
गटि छुय खोटमुत पजरुक पान ।  
बे-पर्दय अपज्युक गरु छुय  
अँदरिमि दीशय तीर्थ ज्ञान ॥

१३२

नय छोटुम नय खोटुम  
नय रोटुम देह अभिमान ।  
येन्द्रेय पन व्वटि रोटुम  
अदय साँपुन सूक्ष्म पान ॥

१३३

सतन अँचिथ सथ वुज़्नुवुम  
सति रंगय स्वनु सुंद पोर ।  
सथुय सास परज़्नुवुम  
बोज़ प्रोवुम ब्रह्म च्वपोर ॥

१३४

सो सो करान सोदुम शोदुय  
बो बो मच्च्योम बुतरॉच्चुय ।  
न्यामँच्च त्रॉविथ ख्योवुम होदुय  
अदय प्रदेयि तथ गँच्चुय ॥

१३५

पांछ त्रॉविथ शेयिमिस शमय  
शिव दीशे प्यठ सु शे ।  
शेन ब्रह्मनि लीलायि समय  
लालु लये शेन पतु शे ॥

१३६

इडा पिगला नखे चित्रा

डखे बज्रा सुषमना ।

थखा कॅडिथ वले हाह अखा

पखा लग्यस ब्रह्म नॉडी ॥

१३७

सतन लूकन च्वदाह बवा

आकाश सथ ह्योर पाताल सथ ।

शेह शोमरिथ प्रय बर सतन

स्वय छय शतन कुनी कथ ॥

१३८

वछि वॉलिंजि द्युतुमस कोछुय

येछि कोरमस पछि पॉराव ।

हॉरथ ऑखुर द्राव यि पोछुय

सनतो येति छा कुनि ठॅहराव ॥



१३९

शम्बवी मुद्रायि सुरति खारुन  
सतिय प्रखटावुन अँतिय आकार ।  
प्रनवय प्रान आहार करुनावुन  
रुमु ज़पुनावुन छूवपि ओमकार ॥

१४०

ख्वसु रँन्य् सॉमियस शिवु रूप ज़ाने  
रनि सु ज़ाने शक्ती रूप ।  
अन्न दन तन मन तति कति फाने  
दयस तिय छुय पोश दीप दूप ॥

१४१

स्वख द्वख ह्युव ज़ान मा गछ कोशन  
तोशन रोशन करुस माल ।  
गलान पान ज़्यादय जोशन  
होशन तु बोशन करुन साल ॥

१४२

सातु सातय साथ ज़ोनुम  
सुती मोनुम राथ तु द्यन ।  
हनि हनि कनि मोनुम  
ब्यन ज़ोनुम नु अख क्षण ॥

१४३

ह्युवुय ज़ोनुम खालु खतय  
द्वदु बतय आपुरमस ।  
सु रूद अँत्य् तय बु गोस छ्यतय  
सैदि ग्वतय द्योवुमस ॥

१४४

वँन्य् वँन्य् द्योवुम  
कनु वँनिमस गँन्य् नाम ।  
मनि गामय हनि सोवुम  
रनि प्रोवुम सत्दाम ॥

१४५

रुमु रुमय रमुनावुन  
तपु रावुन द्वादु दीश ।  
प्रानु प्रनुवस आपुरावुन  
बोजुनावुन व्वपदीश ॥

१४६

तम वुजे सँजरावुन  
राजु हजे नारु सुत्य् ।  
सोजु वुजे बोजुनावुन  
शीतु प्रजे ज्ञानु ज्युत्य् ॥

१४७

दनि दने दनिरावुन  
च्यून पावुन कुनि वीश ।  
मन मँस्ती मँचुरावुन  
ज्वन थावुन कुनुय ईश ॥

१४८

गंजि बानय दिथ छु ठानय  
वानु वानय म्वलुव्य् ज्यन ।  
बोशि मुच्चरुस होशि ठानय  
जोशि पानय तच्चुर्यज्यन ॥

१४९

गोशि गोशय जोश खारुस  
अंदु रटुन मन तु कन ।  
जॉन्य् पनन म्वख्तु तारुस  
प्वख्तु करुन ओम पन ॥

१५०

वादु कॅरिथ प्यादु गॅयस  
सादु त्रॉवुम चॉन्य् व्यन ।  
वाँसु वुडरिथ होशि पेयस  
वॅस्य् गॅयस ह्यथ ईशि र्यन ॥

१५१

मूलु रटुन लंजि मु चारुस  
द्वद वाने सगुव्य ज्यन ।  
फल वुछिनय हलम दारुस  
कलमु लेखिय नादु ब्यंद ।।

१५२

श्रोच्चर करान वृती मोचुम  
रुच्चर कौछुम कायाये ।  
अँदरिमि छेचरु बुदी होचुम  
शिक्षा दिचुम प्रजाये ।।

१५३

नोव नोवरॉविथ प्रोन मँशरोवुम  
जॉनिथ लोगुम बे ज्ञानय ।  
गाटिल पान गटि गोटुरोवुम  
पर सँच ख्योवुम खज्ञानय ।।

१५४

सँदरय व्वदुर्य गुरिस कर ज़ीन  
लागुस बे नवा बोज़ुस बीन ।  
प्रणवय पोज़ पज़ि पापु हीन  
रज़ि खसि वेदि वेदि गछिनो क्षीन ।।

१५५

मो दि व्वथुबव अथ मनु बाज़स  
नँचनि ह्यडरव नेरि क्याह ।  
क्वम्ब खुम्बय तील्यज़ि राजस  
शिव शक्ती मीलिथ सू हाह ।।

१५६

हख दिच़ चोपॉन्य् चमडु बेकार  
कॅरिथ श्राख मौंड पुज गव मार ।  
नफ़च्यव खार ह्यँच़ खर्चिथ द्वार  
आदम मरि ज़न दयस बेज़ार ।।

१५७

बौबुरुनि श्रुफलु प्रक्रम नु वॅर्यजे  
अँदरी दॅर्यजे स्वंदरीय रूफ ।  
लयि क्रये प्रय तस बॅर्यजे  
बावुक सौर्यजे दीप तय दुफ ॥

१५८

अथापय रटुन द्यानु सथापय  
अरंगय रंगुन पानु स्वरंगय ।  
अज्ञातय थावुन प्रावुन अपातय  
अवेशय सु छुय पानय स्ववेशय ॥  
अभंगय सु छुय पान प्रावुन स्वसंगय ॥॥

१५९

पानय बिहिथ छुय दरवेशे  
अमृतु केशे रॅटिथ दार ।  
पर्जनु करान मनु प्रवेशे  
हंसु गंडु लागि ब्रह्मांडु दरबार ॥

१६०

मनु ङ्वल गछान अँनिस पानय  
नँनिस ताफ तुर सोङ्ग ङ्गानय ।  
छेनिस नँदुर खाकि महल खानय  
अब्यासुकि आलवु प्राव जानानय ॥

१६१

नगारय नँगरु द्युतुम  
ताम अँकिस ति व्योचुम नो ।  
बे नामय होस मोतुम  
म्वलस ति काँसि पोचुम नो ।.

१६२

कलि कालुक कलियुग राज्गय  
स्व कलि स्व कृँच प्रसादय ।  
वावुनि बँवरय क्व कलि व्ववादय  
छ्वपि प्राव आनंद अगादय ॥



१६३

जॉनिथ बोज़वानु पोज़ कोनु बवुथ  
बे बोज़ ख्यथ गॅयि हालव फल ।  
स्व वृँन्न तन मन कोना शोज़रोवुथ  
मल वानि कल यँन्न द्योवुथ तल ॥

१६४

पाँच्रुवुन्य् गुर्यन कर कुनुय ज़ीन  
प्यठु सवारुय गछन ऑदीन ।  
बावुय थावुन ज़न मिस्कीन  
सारिनुय दीशन बोज़ुस बीन ॥

१६५

गगुरस हगुर ज़ान मन तु तन  
छलस लागि तय वेशन अर्पन ।  
प्वर्शस दुय गलि प्वर्षोतम  
परकल बोज़ च़लि पारब्रह्म ॥

१६६

क्रय अय वॅर्यज़ि कौंसि हुंज़ि पुछे  
अन्न अय दानस दिजे द्वछे ।  
दनु दान दिज़ि यिय चंदु पन्ने  
ज्ञान तॅस्य् दिज़ि येस्य् हो वेच्चे ॥

१६७

त्रु बॅर्गस द्वर्गु नाथस  
बॅर्गु बॅर्गु करुस क्रय ।  
सासु बॅर्गु स्वरुसॅत्त्यु नाथस  
प्रानु अर्गु लॉगिथ जय ॥

१६८

कोस्तूर ति बोलि कलान  
कुस छु सनान क्याह छु सथ ।  
माज़ हॅरिथ रथ छु मलान  
कस छु छ्यनान अतुगथ ॥

१६९

अकिल रोस्तुय शकल क्याह  
स्व अकिल नक्ल छा ।  
शालस खँसिथ छ्वह क्याह  
ब्याख बेकुल ज़ानुन मु ज़ांह ॥

१७०

आसि येलि पान पूरि परमानय  
चूरि जानानय रोज़्या ज़ांह ।  
पँहँल्य् वुछान पँरी मँहल खानय  
अँदुर्य सनानय खालुय कांह ॥

१७१

पटु रोस्तुय ग्रटु मा फिर्यज़े  
काँसि पलज़े थँज कादस ।  
अंतु रोस्तुय वोंता सोर्यज़े  
अदु ना मँर्यज़े मरनाथस ॥

१७२

वटु मटस सटु नो कॅर्यजे  
मावु दावय हॅर्यजि नु ज़ांह ।  
व्यथु वॉन्य नाबद नो कॅर्यजे  
दहानस बॅर्यजे पानस सू हाह ।।

१७३

वनुनु वछस कोरुम गछा  
द्यये दोरुम मोहरम गॅय ।  
रछि कॅरिथ थोवुम पाशाह  
तिमय स्वछा कॅरिथ गॅय ।।

१७४

दर पर्दु वछस हरदु लगे  
रर्दु वावस बनि क्याह ।  
तस ख्वरदुबीनस माह जॅबीनस  
दोद सीनस ननि ना ।।

१७५

हु अँज़स नॉल्य् लर्जुन ज़ाल गोम  
मन कंगाल गोम ज़रस क्याह ।  
च्यत् सुमरँच्च नफ़चुन बाल प्योम  
फिरिथ नाल गोम स्वरस क्याह ।।

१७६

नादानु आनंदु दामा सौर्यजे  
आत्मु दर्मस बॅर्यजे प्रय ।  
स्वन, र्वफ, ब्वद, मन पनुनुय गॅर्यजे  
अद्यात्मु यूगच वॅर्यजे क्रय ।।

१७७

संगमु स्वथे बुथा छॅलिथ  
गुप पान वॅलिथुय संतोशय ।  
पादुकी गर्दा ग्वरसुंज मॅलिथ  
हन हन फोलुरिथ वन पोशिय ।।

१७८

आचार, व्यचार, श्रोचर थोवुम  
ज्वनु करनोवुम मन व्वपुकार ।  
प्रानु आहार पँहरुदार करुनोवुम  
नोन अदु प्रोवुम सथ ग्वरु द्वार ॥

१७९

ग्वरु द्यान मोटिथ बूतल वँटिथ  
आदि नाथस नमस्कार ।  
ब्रह्म ग्रंथ मूलादारु रँटिथ  
हतु छटि प्रवु ओंकार ॥

१८०

ज्ञान मँद्य मँद्य ज्ञॉनियव थोवुय  
पँडितव थोवुय गुरसस द्यान ।  
थँन्य पानु यूगियव प्रॉवुय  
वँन्य रूदिय अँन्य प्रचुवान ॥

१८१

प्रव्रँच्च ज्ञानस यूगय सनुस  
मिथ्या त्रॉविथ श्वज़रुन पान ।  
गुरुस त्रॉविथ थनि सनुन  
पानु बनुन ज्ञानु प्रदान ।।

१८२

सँदरिथ तौंदुरस व्यतय नार गोम  
पज़रुक सार गोम अपज़िस तल ।  
स्वनुर्य गँरिथ खार दिथ मार गोम  
मंज़ बाज़ार गोम कँरिथ छल ।।

१८३

ग्वरु शब्दस युस निष्ठा थावे  
युस त्रोपुरावे दारि तु बर ।  
मनुक मनकु तारी दावे  
सुय हो प्रावे मोक्ष वर ।।

१८४

कँन्यु शैछ वँनिथ गोम मंज़ कनस  
हञ्चि थफ वँरनम मंज़ सँहराव ।  
ठँहराव दोपुनम कर मंज़ मनस  
अदु मेञ्चि वनस मे ति सौंथ आव ॥

१८५

द्वह तारय छ्वह मे मोरुम  
हरुद ज़ोनुम सौंथ आम ।  
पर तु पनुन वुम्बरि च़ोरुम  
हंसु बँनिथ काव द्राम ॥

१८६

म्वनुर्य ह्वनर हेछनि द्रायस  
शरन गँयस सथ ग्वरुहन ।  
आदन आरदनि अंदर च़ायस  
गौरिथ आयस सौरिथ दन ॥



१८७

दुर्लब पानय स्वलब बने  
येलि गने तसुंद नाव ।  
बुद श्वदिय मन हा तने  
अदु हो सने तँम्य सुंद बाव ।।

१८८

वुलुमन्यन खँसिथ हना  
लाकम चौरिथ मूर्योम खोर ।  
मनटिनि जायि दिचोम मना  
बु गँयस फना सु द्राव ब्रोर ।।

१८९

गंगु बलय गंगजि पोन्य चोम  
ग्यगु वॉलिथ गुप सु वोन्य ।  
गाहा प्रवे गोट दूर गोम  
अदय प्रज़वुम ग्वफि गोसोन्य ।।

१९०

ओमुय हमय यमय रमुन  
वोमय लमुन ह्योर कुन ज़ोर ।  
घोर त्रॉविथ पृंघिम खमुन  
शेयिमि शाह मुज़रान तोर ॥

१९१

ग्वरन कोरनम यी व्वपदीश  
ज्वनु पर दीशे वापस फेर ।  
घेनुन घेय मंज छुय ईश  
छुय घेय निश म कर घेर ॥

१९२

नार अँदरी सँदरिथ थावान  
सुय प्रज़लावान द्वादु दीश ।  
वीद शास्त्र सुय परनावान  
छुय घेनुनावान व्वपदीश ॥

१९३

यँदुर अँदरी कतुनावुन  
पन थावुन ज़वनु कीश ।  
सुथुर वँट्य वँट्य डेंजि थावुन  
प्रानु प्रावुन त्रोगुन वीश ॥

१९४

कलुय्वग पखांडस म गारुस  
गृहस्ती छुय ग्वरु व्वपदीश ।  
कथि मंजय कथा चारुस  
त्रेनुन ग्वर छुय बदलिथ वीश ।

१९५

गगनु बला अँग्न लोगुम  
सगनु वोथुम वारय वेह ।  
वगि रँटिथ तगि दोरुम  
ज्ञान वेदे शीति वेह ॥

१९६

स्वदीशे गगनु दीशे  
दरवेशे ब्रह्मसरय ब्रह्मस ।  
त्रिगुणी स्वलबा तीतस  
स्थापस ज़गि आदारास नमस ॥

१९७

आसि लीखिथ यिय ललाटस  
पूज़ि पाठस दूश क्याह ।  
नाव लँजमुत्र आसि शाठस  
गाठ दियि तथ वाठ क्याह ॥

१९८

हठ रँटिथ पटु मु लेखुस  
नँमिथ वनुस मूरिथ कौर ।  
दारि वडिथ बॅर्य अचुस  
रँटिथ रोज़ुस ख्वरु शोर ॥

१९९

अंदर अँचि स्वंदर खटुन  
नवन द्वारन थँविथ तोर ।  
गागुरि मंज़ुंय आगुर रटुन  
सुह बनान ऑसिथ ब्रोर ।।

२००

यस लगन आसि अग्न हिशे  
ग्वरय व्वपदीशे प्रावि सुय ।  
रावि नो अदु पर दीशे  
शिवु दीशे खारि सुय ।।

२०१

सत् संगय रंग प्रावुन  
अंगय बस्मा मँलिथ छुय ।  
गंगय वाने मन नावुन  
बंगु चावान चँलिथ दुय ।।

२०२

वेथि गोमुत बठि खारुन  
यलु मु त्रावुन हाखल ।  
हटि रँटिथ रथि खारुन  
फवलनु नेर्यस कर्म फल ॥

२०३

घाशरिस अनुहारय  
होशदारव गोश थोव ।  
मन मँस्ती गुप्तारय  
नव बहारय होशिनोव ॥

२०४

मे मे करान बुछिथ ज़ोर गोम  
फोर गोम करान वावेलाह ।  
ह्यनुर बँरिथ अंदर मोर गोम  
अँदरिम दो गोम दिथ खुलाह ।

२०५

पनुन त्रॉविथ बेयिस सनुन  
राज़दॉरी वोंत द्याव ।  
फ्यारव वॅडिथ वारु अनुन  
वछि अनुन पूरु छाव ।।

२०६

डीड्य वॉनिय बेडि च्रॉटिथ  
द्वार यलु गोम व्यन्नारु सुत्य् ।  
मँहल वानुच हेर रँटिथ  
गुल फवलन अदु वारु कृत्य् ।।

२०७

लादन त्रॉविथ सन संवादन  
मंज़ सम च्रम आदन तस ।  
तन शोमरिथ रम मंज़ पादन  
पूजन शांति रुपु र्ज्जोन यस ।।

२०८

गृहस्तस नमुस दसबस्तय

सरस थँविथ सरदौरी ।

मोह कूद लूब करुन अस्तुय

हरस त्रॉविथ ज़िमुवौरी ॥

२०९

दुर्लब छुनु मंज़ सर्व आकारय

न्यराकारस मंज़ हनि हने ।

व्वटि लब छांडुन हंसु दरबारय

प्रज़लि ओंकारय मंज़ मने ॥

२१०

गट बालस गट हटे

रट छटे यँद्व गू ।

हटि छोकिथ प्रणव फटे

गाह छटे रामु जू ॥



२११

बानु चॅलिथ पानु थावुन  
राव रावुन अख मु क्षण ।  
मनु मद होस नैदरि सावुन  
ईश प्रावुन वीश त्रे ग्वन ॥

२१२

अज़ अय स्वरख वायि मा बरख  
बुडिथ कौयदु परख क्याह ।  
मॅरिथ मरख पानस फरख  
ज़िंदय मरख हरख मा ॥

२१३

कौल्य् अदु मा रोज़ि यावुन  
हरि सौरुय हर्दु वाव ।  
होशि अँदरिमि पोश छावुन्य्  
हंसु द्वारय पूर्य त्राव ॥

२१४

यूगु रूस्तुय पान ज़ानुन  
वनु रूस्तुय वानुदुर ज़न ।  
बूगु सूस्तुय पान मानुन  
डलस दानि रुवुन ज़न ॥

२१५

वनु कूसरे बनु वरिथ  
मनु सूरिथ राथ दान ।  
दनु पनु पानस पुरिथ  
हनु ख्यौविथ वुहि ज़न ॥

२१६

सैदरि सरस वुठा लौयिथ  
वौयिथ पवनु सेतारु नय ।  
ओम कतुर वारु पँयिथ  
नारु वुजमल वुहिथ गँय ॥

२१७

वारु लोलस दार लॅगिथ  
ज़ोन लॅगिथ नार गव ।  
अँदुर्य मारय वारु दॅगिथ  
सोपुन बॅनिथ साकार गव ॥

२१८

क्वकरु दिगि दिगि तुलिथ  
तनि मॅलिथ सूर तु सास ।  
स्वकले वृँच्च छॅलिथ  
द्वह डॅलिथ नोन सिर्यि खास ॥

२१९

मरच्चु ट्योठ मिशरि मोदुर छुय  
पानि ओदुर छुय नारु होख ।  
निशि बिहिथ खोतु व्वदुर छुय  
मंज़ सँदुर छुय व्वटि पख ॥

२२०

दौर कर दिह्य दँररावुन  
म सावुन बनि मेच्चि बन ।  
आलुच बाज़ि बाँज़्य् रावुन  
सुत्य् प्रावुन पान ज़न ॥

२२१

शट् पूरि तँरिथ शट्स पँरिथ  
चँक्रु गेगि लँगिथ गव ।  
लयि गच्छि गच्छि नय सौरिथ  
अंतु अनंतु बेयि ज़्योव ॥

२२२

तोछुम नु पान तस मुछुम  
द्युतुनम पानय पनुन दाम ।  
नाबि व्वंदि ब्यंदु रोछुम  
वुछुम सासि गाहु पँक्ष राम ॥

२२३

नूकरि रङ्ग व॑रिथ थावुन  
व॑करु वालुन करुस गृन ।  
म॑करि छ॑लिथ स्वखरि पावुन  
ब॑गरुन यिथि पानु त्रेन ॥

२२४

द्वख हरि फाकु फरि  
योद थावख तन तु मन ।  
स्वख च॑रि बाव हरि  
शोद ख्यख योद नाम बूजुन ॥

२२५

स्वखय पान सखरिथ थावुन  
स्वख दारि छारुन च॑दरी वन ।  
द्वख ज्ञान ज्ञान दयस पुशरावुन  
बि॑द्री गारुन नारायण ॥

२२६

हारुनि ग्रेकि, मागुक्यव दबव  
लाल लबुन लोलुकि जोश ।  
मदु वॅसिथ अदु मा लबव  
बालय फबव क्वंदु पोश ।।

२२७

लबुन छुय सन दिन्य् पानस  
ह्यथ लोब रोज़ जहानस ।  
रावरुन छुय मंज़ लामकानस  
निथ पथ बोज़ खज़ानस ।।

२२८

कोहन वोत दूह डॅलिथ  
शाहस बॅनिथ प्यादु प्यव ।  
सुहु च़म शाल वॅलिथ  
हँस्य् खेलिस ख्यथ गव ।।

२२९

दरुडु रररु दरुडुक सरर  
डे डरसु करुवुन करर ।  
संसरर दरुवुन नरर  
डरुनुन तुररुवुथ खुडरररर हरर ।.

२३०

दरुनररुथ डु दरुनररररुनु  
डरुथरररुड डरुथररररुस डररुनु कुरररह ।  
हुनुन छुड डु ठरुठरररुनु  
गुरुठु डरररुडु दुरररुनु कुरररह ।।

२३१

दरुडुक वथ दरुडुक रथ  
दरुडु रररु डुडुथ सररर ।  
डरुठरुथ ररुठरुथ कुनी कथ  
रुगुवु आरुसुडुतन डरर अवतरर ।।

२३२

बेकल लोऒुथ ऑसिथ दानाह  
हंस्या ख्योवुय कावव वन ।  
स्वनुरिस द्युतुख खारु वानाह  
पाना हँदर्योय क्याऒि मन ॥

२३३

लबुनुचि कले लोबमुत रॉविथ  
मनुच त्रॉविथ अथय सोऒ ।  
बोऒ हँदि बुजरय क्रंऒा नॉविथ  
वेदि विऒिनॉविथ, ख्यॉविथ पोऒ ॥

२३४

छ्वपि हँदि छ्वपिरय छ्वह छोकरॉविथ  
पन हमुनॉविथ रातो द्यन ।  
व्वँदि हँदि आऒरु मन दोबरॉविथ  
रवि प्रऒनावुन नारायणा ॥



२३५

शुन्युक शुन्यर शुनुरॉविथ  
भूः मिलुनॉविथ सू स्वः ।  
अध्यात्मुक आनंदा प्रॉविथ  
श्री च्चक्रम नमो नमः ॥

२३६

लूरनु आमुत यिय ओस यीरिथ  
फेर्यन फीरिथ फीरिम तान ।  
वेहरु गॅछिथ बुमु चॉरिथ  
ग्राख गव नीरिथ शीरिथ वान ॥

२३७

यीरान यीरान मुह जॉल्य् वॅट्स  
सीरन च्चरिथ वीरुन्य् दाव ।  
हमस थफ दिथ थमन रॅट्स  
वापस पॅट्स मंज़ सॅहराव ॥

२३ॢ

वर्जु वावुनि लारि रौछुम  
वारु तौछुम मंजु वंदे ।  
वावु वुजुमलि नार वुछुम  
हौछु मुछुम मंजु सैदे ॥

२३९

मंजु ममता वछि सौविथ  
थाव रँछ रँछ विह्य विबूत ।  
सातु समये नेरु त्रौविथ  
ग्रँजुनय किथु कति कूत ॥

२४०

नारु कर्तल युस हा च़ाली  
युसुय गाली पनुन क्युत ।  
वनु अमृथ सुय अदु वाली  
तस सौंतु कालय बने ह्योत ॥

२४१

ब्यंदु अँचिथ बिंद्रि नँचिथ  
वापस वँसिथ मंज व्वदुर ।  
ब्रह्म हेरि अँदरी खँसिथ  
ब्रह्मांडु नेरि राम राम बँदुर ॥

२४२

ब्रह्मांडस बिंद्रि अँदरी वँसिथ  
सोरुय चँसिथ व्वंदु छटि मोदुर ।  
शाह नचि मंज गाह बँसिथ  
पथ म्वचि नु कैह होख ओदुर ॥

२४३

रुत नक्षत्र साथ वुछिथ  
थोवुम रँटिथ कर्योम जुत ।  
लूब ब्रॉर गँयम वुछिथ  
पँतिम मँशरिथ ख्योम तोत ॥

२४४

तपीश्वरस सत् ग्वरस  
चरन रँटिथ दिस बा वोन ।  
ब्रह्म ज्ञानु अमरीश्वरस  
प्रान मेलनु बनि कुन ॥

२४५

च्यतु पीडा व्यतु करुन  
द्यानु दरुन कुन ईश ।  
प्रानु चूरस वारु फरुन  
यारि करुन मंज प्रवीश ॥

२४६

पानु दँपिथ पान छेपिथ  
पॉन्य पानय डालान होश ।  
पानय पानस मंज गुपिथ  
पानस लागान पानय पोश ॥

२४७

श्रीश नागय सॉलाह वॅरिथ

शीनु माने वॅलिथ ज़न ।

अगाद आनंद अँदरी बॅरिथ

तॅरिथ गॅयि म्वर्दु ख्वन ॥

२४८

यावनुन्य् दूह बु छावान आयस

मरुन मॅशरिथ मॉरिम छ्वह ।

तावनुनि दूहु अदु बु पेयस पायस

मदु होस वॅरिथ गोम श्रावनस पोह ॥

२४९

कुलुफ दिथ फांसि वानन

ज़बेह खानन मुज़रिथ तोर ।

हाय खॉरिथ आस्तानन

कंजन वानन खॉरिथ पोर ॥

२५०

न्याय दिवान इनसानन  
बे ज़बानन वालान पोस ।  
नेतिथ तिमन मोसूम पानन  
अड्यन पशिम, अड्यन तोस ॥

२५१

कुल लरि पॉविथ मंज़ वनन  
खाहन ववान बंगि पोश ।  
ऑगजि दिन्नमच्चु मंज़ कनन  
डॉलिथ सॉरी हवास होश ॥

२५२

हून छंडान मंज़ छंबन  
नन्नान डेंबन मंज़ खरगोश ।  
सुहन शालन हस्यत्यन त्रंबान  
तुलमुत हांगल माज़न जोश ॥

२५३

त्रोपरिथ लुयि दारि ब्युहू मनु गरे  
लरि गुमानय नु वॅर्यजे ज़ांह ।  
कुमुर्य कोस्तूर्य यख पोर दरे  
अदु लुरु पार अथ करे नु कांह ॥

२५४

लोबमुत लबुनय लॅब् लॅब् रावान  
प्रचरुक प्रचरुन ख्यावुन स्योन ।  
बु तु बुय बुय तन दुय नावान  
हमसु दमु द्वद पोन्य नेरि ब्योन ॥

२५५

येमि दारु छांडख तमि दारु नने  
संसारु त्रने बने नो ।  
मन मॉरिथ त्रॉविथ क्व-नेह  
हम सॉविथ प्रॉविथ सो ॥

२५६

दु वते पकुन कूटुय  
कूठ समाह मँज़िला ज्यूटुय ।  
तस सखा युस यथ रूटुय  
मर्ग मीठिथ तँमी ड्यूटुय ।।

२५७

शन खँसिथ शाहचि राय  
शायि रूद शारिकाय ।  
शमिथ शन आयि ग्रायि  
शुनिथ शुन्यन मीलिथ द्राय ।।

२५८

ज़ेरस ज़बर करनु सरय  
अक्लि बरुय यलु गव ।  
ज्ञानु ब्योल कडु द्यानु तरय  
शाहन शाह शोमरिथ शिव ।.



२५९

कमालि सोंतय दमालि सनुस  
चु मालि पज़रुक पर्जुन पान ।  
रुमु रुमय रहमय खनुस  
चे मालि पारस पनुनुय पान ॥

२६०

मन क्याह खँट्य खँट्य तनि थोवुय  
अपज़ि रावरोवुथ पज़रुक बर ।  
वुज़मुत मनय नैदरि सोवुय  
हजरु ख्योवुथ स्यज़रुक दर ॥

२६१

यिरवुनि नावि कर्यथ अटय  
पाहा छुट छुटि वुदविथ पान ।  
पेहनु आयि तावनुनि ग्रटय  
दँल्य् दुनिथ हँल्य् इनसान ॥

२६२

संसौर्य दौर्य मुहलथ गौरम  
चुहलथ गौरम मुहुक्यु ब्रम ।  
अँदुर्य अँदुरुय सेंदुर गौरम  
हम व्यसरलथ हौरदुर दम ॥

२६३

कनुच कनवान सँनलथ गौरम  
वँनलथ गौरम पज़रुक सार ।  
मनुकलस म्वख्तस खँनलथ गौरम  
अँनलथ गौरम लारुक दार ॥

२६ॡ

बीज़ु मंत्रु गनलरु पोरुम  
सनलरु सौरुम तीज़ु सान ।  
ज़ॉन्यु पनन पान वुरुम  
प्वख्तु वँरुम म्वख्तु खान ॥

२६५

सिरिं सूरथ सुरति दारुन  
सासु गाशे बासि ज़न ।  
सासु गाशे प्रकाश वाहरुन  
सूर सूरिथ स्वनु तन ॥

२६६

बे बोज़ वुनुल्य् ब्रोंत गोम बहारस  
गाटु जारस गाटु प्योम ।  
गाटुलि गथ कर पनुनिस यारस  
हू अँज़ तारन तारु मंज़ गोम ॥

२६७

खबरदारु सनिरुच खबर  
खबरि अनिरस वसि तबर ।  
सिरु सरपोशे गछि ज़बर  
स्वख सबूरय बा खबर ॥

२६८

अपज़िस पज़रुक ब्रोंत कवु गोयो  
सँजवरि सँन्न पॉरोवुथ पान ।  
लाल म्वलुनय कालन ख्योयो  
ब्रम मॅशर्योयो ब्रह्मकुय ज्ञान ॥

२६९

अडु डंगि पानो जंग छ़ांड रुच्य  
स्वक्रँच्य लागुन तन ।  
लरि दार्यन दिथ गॅयि नॅच्य  
रुत ह्योतुम संतु सूफियन ॥

२७०

बुमि लॅज सुम मंज़ु रचि जुम्बिशे  
बु स्वदीशे म्वकलिथ ऑब ।  
टेकि लोग ट्योका म्वकलिथ किशे  
स्वः रूद निशे भू गव गॉब ॥

२७१

बठि बोट सुमि तार व्वदुर्य सँदरस  
कर मो गुरट्च वॉनिस गोर ।  
चिट् ज़न शीन कर अथ ज़ग खँदरस  
माछि मोदरावुन नाबद बोर ॥

२७२

अँदरी अँदरी हँदरिथ वठ गोम  
कठ गोम ऑसिथ शेरे नर ।  
बोज़ हंदि बूज़नु बूज़िथ ज़र प्योम  
वर ख्योम लर दिथ मॉशरु नु हर ॥

२७३

छांडुन बिहिथ त्रे मंज़ कने  
प्यवान वने लॅगिथ ताव ।  
योदवय सौतरन पनुने हने  
सने सुय यस बॅनिथ आव ॥

२७४

ज्ञानस ह्यु नु प्रकाश कुने  
ग्वरस ह्यु नु तीर्थ कांह ।  
प्रानस ह्यु नु बांदव कुने  
दयि प्रेयि ह्यु नु स्वख कांह ।।

२७५

कोस्तूर क्वंगु कोसाम अदुपॅरी  
स्व व्यच्चारु शमशाद तॉरी तोर ।  
अडुमॉर्य वासनायि व्याज़ अव्यच्चॉरी  
यँदरि नॉर्य बिच आहॉरी चोर ।।

२७६

पनुनुय पान युस लागि वाने  
सुय अदु ज्ञाने रावन त्योल ।  
रातो द्यन ह्युव युस माने  
तस क्या फाने छटु शुहुल ।।

२७७

अँग्न बोलि तु यँगुन्य् बोलन  
बोलन कुमुर्य तु क्वहँतूर्य वाव ।  
कुसू तोलि तु कसू तोलन  
कुसू दाहु गेगि तारे नाव ॥

२७८

ज्वन तेले हर मेले  
सुत्य् खेले रातो घन ।  
ख्वखुर्य खातय फिहि खँहले  
बे ज्वनय हेले कालव ख्यन ॥

२७९

अँदरी गॉशरिथ गफलँन्न पानो  
गाटुल्यव गुदरिथ वुद्य कोर पान ।  
जॉन्य् जॉविजार हॉव्य् क्यथु मानो  
पोश क्यथु ज्ञानो मनुश्यस नान ॥

२८०

चूट पल, वूट पल  
दुमट छूट पल।  
नटि पिहान ग्रट पल  
लटु दिय दिय अटुखल ॥

२८१

शव ऑसिथ शाहन तोरुख  
शिव ऑसिथ हाहन मोरुख।  
शव शाहय शिवन पोरुख  
शाह प्रज़विथ शिवुय दोरुथ ॥

२८२

तमुकिस अँग्नस वेह नो गले  
लशि हरि अँश फेरि छेवि नो रेह।  
ख्योदिस खेय खेय ख्वद नो चले  
बेखि नो बने मनस बेह।



२८३

तेह कवु पानो पोहु पन वोलुथ  
पोशरिथ मोशरुथ प्रनुवुन्यु ज्ञान ।  
कावन पथ रावुन पोलुथ  
वेह कोनु ज़ोलुथ व्वहुलुथ पान ॥

२८४

खबर दौरी टुकिथ तबर  
ज़िंदस म्वर्दय वॅरिथ गॅय ।  
मंज़ हुशौरी नैदरि कबर  
लालन ल्वबर फुलय रॅय ॥

२८५

मन पनुन वन खोरुम  
द्वय दोरुम सौंगू पान ।  
ज्वन तपु नारु वारु कोरुम  
वान वॅनिथ गॅयम प्रान ॥

२ॢ६

आरु कॅरिथ अथय वास  
वनव मंज़य वना खास ।  
ततिय अंदर कॅरिथ वास  
सालु निवान खास खास ॥

२ॢ७

द्व्यतस स्वथ सॉविथ गॅय  
द्याँविथ गॅयि नॅहविथ नार ।  
मोदुर मस चॉविथ गॅय  
पॉविथ गॅय ख्यॉविथ हार ॥

२ॢॢ

ख्वय खॅटिथ प्रानु चूर  
आ अंदर हू मूर ।  
नेहचि नॅदरि गाश दूर  
ज्वनुचि ज़ुचि ज़ॉहिर ज़ोहूर ॥

२८९

मखमॅल्य् नबस ह्यैर्य दिथ बर गोम  
जिंदस मर प्योम दिमु कथ नख ।  
खँसिथ मचानस सँन्य् चूर सरु गोम  
ग्रँज रोस अँज गोम दी दी थख ॥

२९०

सुमरनि पनस वख दिथ टख गोम  
अख गोम त्रॉविथ पांचन थफ ।  
अंदुकिस चंद्रनस रंदु कनि मख प्योम  
हख गोम नख दिथ पाँविथ हफ ॥

२९१

ब्राह्मांडु वुजिन्य् गँय  
ब्रह्महन व्यस्तारु थँव्य् ।  
रवु प्रँवि हुज्य् हुज्य् गँय  
नारु ज़ायि, शीति खेय ॥

२९२

शुनि शिवु, कृहुन शून्याह  
कालु च्चक्रस श्रोकरिथ शिव ।  
च्चाँश च्चहान राथ द्यन शुनिहा  
लयि सपदिथ तसुंदि शिन्याह ।।

२९३

व्वदरु व्वदिथ, सँदरु डँलिथ  
पाँन्य् पानस फोलिथ गोव ।  
लल्ल ललाटुक जामु व्वलिथ  
हेरि अँदुर्य शेरि प्रोव ।।

२९४

शंकु बँद्य ज़ेवेयि  
लछि बँद्य प्रेवेयि  
नव साँन्य् नवेयि  
सतु रंगु प्रेवेयि  
पृथवी छेवेयि  
अँड्य गँयि पाताँल्य्

ज़रु रूज़ वेंशिश

कुस ज़ाव कुस मूद

हावनु बेयि बूद ॥

२९५

बुलबुल बोशे वनान कोस्तूरस

लोगमुत नार वुछ कोहि तूरस ।

नालु रठ लालु माल वोन द्यू गूरस

रोज़ू क्राव करवुन मनु चूरस ॥

२९६

सँहज़ु फुलयाह नेरि राज़ वारे

सारि सारे सारान रोज़ ।

ब्यंदु मंज़ु ब्यंदा नेरि अनवारे

अष्टदश च़क्रु सवारे रोज़ ॥

२९७

चंदुच म्वहरा व्वंदस पॉरुम  
स्यंदुच खॉरुम ब्यंदस ताम ।  
अमलि चंद्रुन दंदव चोरुम  
समुल्य स्वनस हेचुम साम ॥

२९८

रवाह वुछुम प्रवाह छटान  
पारसु वुछुम बनान स्वन ।  
बोजवान द्यानुचि दारनायि रटान  
प्रजुवान प्रावान दूनवय ग्वन ॥

---